

剪我銅頭變軍旅為叢林埋藏鐵騎潛扶聖  
運冥助王師殄滅渠魁廓清宇宙懸三兇之  
首級獻九廟之威靈克盛帝國永平國步巨  
晚承睿旨仰奉皇慈昧學謏聞屬詞荒鄙其  
碑文今已撰訖謹隨狀奉進以聞者

右翰林學士守尚書兵部侍郎樂朋龜奏  
謹具如前

中書門下牒西川節度使

牒奉勅金闕降祥紫氣接度關之狀瑤壇闕  
瑞赤光騰發地之文粵有玄符留于古篆當  
午夜而龍蛇搖動六字分輝後一年而狼虎  
蕩平八紘無事克昭靈貺獲啓中興考帝祖  
之微言顯神功於景運得不標於道觀銘在  
蜀川流傳千百萬年紀我一十八葉樂朋龜  
職司內翰首冠近臣妙迴擲地之金鑲入他  
山之石鋪陳盡善祭豈當於先知述作無  
遺子建何勞於獨見宜刊盛事以證斯文宜  
令西川節度使於本觀建立牒至准勅故牒  
中和四年九月八日牒  
西川青羊宮碑銘

宋東太一宮碑銘

宋東太一宮碑銘附西太一宮  
中太一宮

不六

翰林學士承旨中書大食尚書大司馬兼  
太子少師

建皇極奉天統稽茂典崇明祀斯聖人之能  
事也惟我后得之韓玄化僭鴻休福蒸民佑  
至德斯元神之景貺也惟皇宋受之於錄鴻  
祚誕膺火德稽命曆之成數允謂昌期收造  
化之全功諒由真主肆我應運統天睿文英  
武大聖至明廣孝皇帝握乾符而御寓宅坤  
載以開階斷鼉足以立四維重張地紀受龍  
圖而畫八卦載炳人文曆敷而定寰中拱揖  
而朝天下遂使蠻夷戎狄皆趨於象闕之前  
傑侏兜離合奏於宮懸之下鴻圖巨業恤萬  
古以無階睿化淳風幾一變而至道亦何必  
神遊姑射始洞其希夷歲在攝提方稱其開  
闢而已哉加以昭事天地統和人神郊丘之  
盛禮繼行寓縣之靈祠必首乾坤以之交泰  
風雨為之弗迷帝道式敷頌聲斯作繇是萬  
機多暇逸禮成修宣室問神每凝情於秘錄  
靈臺觀象思索隱於常文以為虞舜之納於  
大麓也則曰禋於六宗漢后之茂其丕構也

則曰祠於五時禮神之道從古攸然將與物  
以皆春必為民而祈福乃以太平興國八年  
歲在協洽春三月詔立太一宮於皇都之巽  
地所以宅神靈而昭睿德也臣謹按太史公  
書云天神之貴者曰太一太一之佐曰五帝  
古者天子常以春秋祭太乙于東南郊牲用  
太牢昔漢武帝既行之於前而唐玄宗亦祠  
之於後其禮亞二郊之祀其位次兩儀之壇  
夫如是則崇重威靈從可知矣又聞諸陰陽  
家流云太乙之神其類非一則有君基臣基  
之號大遊小遊之名或則司水旱之權或則  
主兵荒之沴唯五福太乙上循五宮下視九  
土所至則民皆富壽所臨則歲必豐穰詩謂  
百凶以之而不作書云五福由之而必臻蓋  
七曜之歲星四時之春令也則知歷代英主  
前朝舊章尊而祀之良有以也先是日官奏  
議方士獻言且云五福之以躔當蒞四宮之  
分野况將去逾碣之弊俗撫吳越之舊封請  
就彼方預修靈宇殊不知聖人與二儀合德  
天子以四海為家惟萬乘之所都即百神之

俱會矧乃房心列象寔上帝之明堂梁宋名區蓋中原之福地就開仙館必叶靈心聖上先天弗違事神如在亦將復泰時甘泉之故事踏回中睽上之前規於是詔大匠以計功輟近臣而祇事卜茲勝地創是新宮逮其視成固不憊素觀其壯麗也則崇墉屹屹百雉岡連峻宇曉曉千楹洞啓廣閉遙吞於闔闔飛甍上軋於昭回金殿八隅朝陽爛其丹碧瑤壇三襲夕露綴其珠璣寔天外之築宮乃海中之蓬島也觀其象設也則瓊姿溫潤寶座煒煌秋月如珪瑩其雜珮晨霞似火賁乃長樞寧彩霧以為旗揚彤雲而作蓋群仙列侍選如校籍之時衆聖咸歸宛似朝元之處其或霓旌絳節擁風馭以聿來湘瑟絃笙導雲車而昭格則必天香馥郁遠散於神州仙樂淒清旁聞於帝甸盛矣哉其靈應也如是亦何假竹宮望拜始遷其神光高嶽登封方隆於聖運者哉甲申歲秋八月皇帝發宸衷備法駕乘鳳輦建鸞旂親詣斯宮曲盡其禮是日也千乘萬騎如霆如雷千旄虎之士

森武衛於外簪纓鸞鷲之列陪禮容於內十神以之威秩萬祐於是來臻蓋豎祀之克誠感明靈之幽贊尋又詔選十洲之羽客洎中禁之責臣共稟規程同為監護每歲以三元令節四序良辰備清醮於仙壇禱鴻禧於福祚夫如是則萬壽千齡之慶先輯於皇家五風十雨之期不憊於歲候斯蓋天有成命運丁嘉會將以保瑤圖於億載茂玉葉於千枝不然則何以感穹昊之降祥受神祇之儲祉也如是哉宜刊翠琰用紀玄功銘曰

惟皇撫運欽若玄造則天之明奉天之道法古御今凌軒鑠皞是曰不圖永安大寶惟天陰隲萬象攸尊健行不息高明不言生成物類宰制人元夫如是者必有司存司存伊何太乙居大上履霄極俯觀寰海惟福是儲惟人所在寔金闕之元輔乃玉皇之家宰其神不測其道惟幾靜執玄化高居紫微鴻休露灑景福烟霏叶人時之玉燭應天象之璇璣位冠九宮環循八極恩厚福謙仁深輔德彼偏方之陋俗兮非神所宅此中區之正位兮

繫神是格矧新宮兮雲構復正殿兮烟開廣庭兮穹窿高榭兮崔嵬行霓裳兮可接侯雲軒兮青來響環祈於萬祀福蒼黔於九域

宋東太乙宮碑銘

下